



Leiðbeiningar

Áhættumiðað eftirlit með framleiðslusvæðum skelfisks

Ágúst 2022



Efnisyfirlit

1. Inngangur.....	2
2. Lagaleg forsenda	2
2.1.1. Samantekt og túlkun	4
3. Eitraðir þörungar og þörungaeitur	4
3.1. Framleiðslusvæði.....	4
3.1.1. Ræktunarsvæði kræklinga.....	5
3.1.2. Veiðisvæði villtra tegunda: Ígulkers, sæbjúga, beitukóns og kúfskel	5
3.1.3. Áhættumat	5
3.2. Tegundir.....	6
3.2.1. Kræklingur	7
3.2.2. Hörpudiskur	7
3.2.3. Kúfskel.....	7
3.2.4. Ígulker	7
3.2.5. Beitukóngur	7
3.2.6. Sæbjúga	8
3.2.7. Ostrur.....	8
3.2.8. Áhættumat tegunda	8
3.3. Eiturþörungar:	9
3.3.1. Vaxtartímabil eiturþörungum við Ísland	9
3.3.2. Áhættumat - Hætta á eiturþörungum á framleiðslusvæðum eftir tímabilum	10
3.4. Þörungaeitur	10
3.4.1. Niðurstöður þörungaeitursgreininga í kræklingi.....	11
3.4.2. Áhættumat	11
3.5. Sýnatökuáætlun.....	11
3.5.1. Samlokur; Greining á þörungum, þörungaeitri og útgáfu uppskeruheimilda	11
3.5.2. Aðrar tegundir.....	14
4. Áhættumat vegna þungmálma og þrávirkra lífrænna efna	16
4.1.1. Þungmálar Cd, Hg, Pb.....	16
4.1.2. Díoxín og díoxín-lík PCB	17
4.1.3. Bendi (marker) PCB	17
5. Áhættumat vegna örvera í lifandi afurðum.....	17
5.1.1. E. coli.....	17
5.1.2. Salmonella	18
6. Samantekt.....	19

1. Inngangur

Áhættumatið leggur grunn að ákvörðun á tíðni sýnatöku á eiturþörungum í sjó, þörungaeitri, örverum og mengunarefnum í lifandi samlokum og öðrum tegundum sem falla undir kröfur reglugerða nr. 104/2010 (EB/853/2004) og 483/2020 (EB/2019/627), s.s. skrápdýr, möttuldýr og sæsnigla. Sýnatökutíðni er ákvörðuð samkvæmt ákvæðum reglugerðar nr. 105, II. viðauki B, þar sem segir m.a. að heimilt sé að fækka sýnatökum ef niðurstöður áhættumats vegna eitraðra þörunga og uppsöfnunar þörungaeiturs benda til þess að lítil áhætta sé á eitrúnartímabilum. Jafnframt skal auka tíðni sýnatöku ef niðurstöður sýna að veruleg hættu er á uppsöfnun þörungaeiturs.

Áhættumat vegna tíðni greininga á örverum, þungmálmum og þrávirkum lífrænum mengunarefnum í samlokum byggir í grundvallaratriðum á sambærilegri aðferðafræði. Magn mengunarvalda í skeldýrum og magn eitraðra þörunga í sjó er lagt til grundvallar þegar ákvörðun um tíðni mælinga á örverum, þungmálmum, öðrum aðskotaefnum og þörungaeitri er tekin. Þetta áhættumat til ákvörðunar á tíðni sýnatöku örvera og aðskotaefna gildir þó eingöngu fyrir lifandi afurðir.

Megintilgangur og markmið þessa verkefnis er að tryggja að eftirlitskerfið með framleiðslu lifandi samloka sé byggt á áhættumati og öryggi afurða sé tryggt. Áhættumat þetta skal endurskoða á 3 ára fresti eða eftir þörfum.

Tilgangur og markmið áhættumats

- Að greina eftirlitsþörf til að tryggja heilnæmi afurða.
- Að forgangsraða eftirlitsþáttum og beina eftirliti þangað sem þess er þörf.
- Að tryggja sem best nýtingu tækja og mannafla.
- Að tryggja kostnaðarhagkvæmni vegna sýnatöku og greininga.

Helstu forsendur og áhættuþættir í þessu mati eru :

1. Lagaleg forsenda
2. Framleiðslusvæði
3. Tegundir skeldýra
4. Eiturþörungur
5. Þörungaeitur
6. Örvermengun E. coli og salmonella
7. Mengun vegna aðskotaefna

Leitast er við að leggja mat á þá þætti (2-7) sem geta haft áhrif á magn þörungaeiturs, örvera og aðskotaefna í skeldýrum og þeir metnir með tilliti til áhættu.

2. Lagaleg forsenda

Lagaleg forsenda áhættumatsins er reglugerð nr.483/2020 sem innleiðir EB 2019/627, V. Bálkur.

II. KAFLI. SKILYRÐI FYRIR VÖKTUN Á FLOKKUÐUM FRAMLEIÐSLU- OG UMLAGNINGARSVÆÐUM

59 gr. Vöktun á flokkuðum framleiðslu- og umlagningarsvæðum

Lögbær yfirvöld skulu vakta reglulega framleiðslu- og umlagningarsvæði sem eru flokkuð í samræmi við 6. mgr. 18. gr. reglugerðar (ESB) 2017/625 til að athuga:

- a) að ekki sé um vanrækslu að ræða að því er varðar uppruna lifandi samloka, staðinn sem þær koma frá og ákvörðunarstað þeirra
- b) örverufræðileg gæði lifandi samloka í tengslum við flokkuð framleiðslu- og umlagningarsvæði,
- c) hvort svif sem myndar eiturefni finnst í vatni á framleiðslu- og umlagningarsvæðum og lífeitur í lifandi samlokum,
- d) hvort mengandi íðefni finnst í lifandi samlokum.

61.gr. Sýnatökuáætlanir

1. Að því er varðar eftirlitið sem kveðið er á um í b-, c- og d-lið 59. gr. skulu lögbær yfirvöld semja sýnatökuáætlanir þar sem kveðið er á um að slíkt eftirlit fari fram reglulega eða í hverju tilviki fyrir sig ef tímabil tekju eru óregluleg. Landfræðileg dreifing sýnatökustaða og tíðni sýnatöku skulu tryggja að niðurstöður greiningarinnar séu dæmigerðar fyrir viðkomandi flokkuð framleiðslu- og umlagningarsvæði.

2. Í sýnatökuáætlunum til að athuga örverufræðileg gæði lifandi samloka skal einkum taka mið af:

- a) líklegum breytileika í saurmengun,
- b) þáttunum sem um getur í 1. mgr. 56. gr.

3. Í sýnatökuáætlunum til að athuga hvort svif sem myndar eiturefni finnst í vatni á flokkuðum framleiðslu- og umlagningarsvæðum og hvort lífeitur finnst í lifandi samlokum skal einkum taka mið af hugsanlegum breytileika varðandi tilvist svifs sem inniheldur sjávarlífeitur. Sýnataka skal ná yfir:

- a) reglubundna sýnatöku til þess að greina breytingar á samsetningu svifs sem inniheldur eiturefni og landfræðilega útbreiðslu þess. Ef niðurstöður gefa til kynna að eiturefni safnist fyrir í holdi lifandi samloka skal viðtæk sýnataka fara fram í kjölfarið,
- b) reglubundnar eiturhrifaprófanir á lifandi samlokum frá sýktu svæði sem er viðkvæmast fyrir mengun.

4. Sýnataka til að greina eiturefni í lifandi samlokum skal fara fram vikulega meðan tímabil tekju standa yfir, nema þegar:

a) draga má úr tíðni sýnatöku á sérstökum flokkuðum framleiðslu- eða umlagningarsvæðum eða að því er varðar sérstakar tegundir lifandi samloka ef áhættumat á því hvort eiturefni eða plöntusvif eru fyrir hendi bendir til þess að afar lítil hætta sé á eitrunaratriðum,

b) auka skal tíðni sýnatöku ef slíkt mat bendir til þess að ein sýnataka í viku nægi ekki.

5. Áhættumatið, sem um getur í 4. mgr., skal endurskoðað reglulega til að meta áhættu á að eitur komi fram í lifandi samlokum frá þessum svæðum.

6. Þegar þekking á uppsöfnun eiturefna er tiltæk fyrir hóp tegunda sem vaxa á sama flokkaða framleiðslu- eða umlagningarsvæðinu er heimilt að nota tegundina með mestu uppsöfnunina sem vísitægund. Þetta gerir það kleift að nýta allar tegundir í hópnum ef magn eiturefna í vísitægundinni er undir lögbundnum mörkum. Ef magn eiturefna í vísitægundinni er yfir lögbundnum mörkum er einungis heimilt að leyfa tekju á öðrum tegundum ef frekari greiningar á þeim leiða í ljós að magn eiturefna sé undir viðmiðunarmörkunum.

7. Að því er varðar vöktun á svifi skulu sýnin vera dæmigerð fyrir vatnssúluna á flokkaða framleiðslu- eða umlagningarsvæðinu og veita upplýsingar um hvort eittraðar tegundir eru fyrir hendi og um þróun hjá stofnum. Ef einhverjar breytingar koma í ljós hjá eitruðum stofnum sem kunna að leiða til uppsöfnunar eiturefna skal auka tíðni sýnatöku úr lifandi samlokum eða loka umræddum svæðum í varúðarskygni þar til niðurstöður eiturefnagreiningar liggja fyrir.

8. Sýnatökuáætlanir til að athuga hvort mengandi íðefni eru fyrir hendi skulu gera það kleift að greina hvort farið er yfir mörkin sem mælt er fyrir um í reglugerð (EB) nr. 1881/2006.

2.1.1. Samantekt og túlkun

Samkvæmt 59 gr í EB/2019/627 skal vakta flokkuð framleiðslu- og umlagningarsvæði m.t.t. uppruna þeirra, örvera, eittraðra þörungum, þörungaeiturs og aðskotaefna. Tekið er á framkvæmd sýnatöku í í 61.gr. Samkvæmt 1 tölulið. er heimilt að miða sýnatökuáætlanir við óregluleg tímabil.

Samkvæmt 3. tölulið skulu sýnatökuáætlanir fyrir eiturþörung og þörungaeitur; „*einkum taka mið af breytingum á tilvist svifs sem inniheldur sjávarlífeitur*“ og skv. 4. tölulið skal á þeim tímabilum sem hættu er á þörungaeitri á grundvelli magns eittraðra þörungum, að jafnaði taka vikulega sýni, en á þeim tímabilum sem lítil hættu er á eitrun sé heimilt að ákvarða tíðni sýnatöku á grundvelli áhættumats, jafnframt að auka tíðni ef niðurstaða vöktunar sýni að veruleg hættu sé á ferðum.

Heimilt er að veiða hörpudisk, beitukóng, sæbjúgu og ígulker utan svæða sem hafa verið könnuð m.t.t. heilnæmis og flokkuð. Hins vegar þurfa þeir sem veiða áður nefndar tegundir utan flokkaðra svæða að sýna fram á, með greiningum og áhættumati, að viðeigandi heilbrigðiskröfur séu uppfylltar. Vísað er í því samhengi til leiðbeiningaskjals Matvælastofnunar „Heilnæmiskönnun framleiðslu- og veiðisvæða samloka“. Að öðru leyti skulu veiðar á villtum samlokum s.s. kúfiskel og kræklingi sem á að setja á markað einungis fara fram á svæðum sem hafa verið heilnæmiskönnuð og flokkuð og eru vöktuð með tilliti til þörungaeiturs, örvera (*E.coli*) og þungmálma. Senda þarf inn umsókn um uppskeruheimild til að fá veiðisvæðið opnað til veiða. Gildistími uppskeruheimildar er háður tegund og árstíma veiða.

Heimilt er að flytja villta eða ræktaða skel yfir á annað svæði til áframhaldandi ræktunar. Ef uppskera á aðflutta skel af svæði þar sem áframræktun fer fram þarf svæðið að vera með ræktunarleyfi og einnig þarf að opna svæðið með uppskeruheimild frá Matvælastofnun. Ef heilnæmiskönnun hefur ekki farið fram á veiðisvæði eða í nágrenni við það þarf að taka sýni til greiningar á þungmálum áður en áframræktuð skeldyr eru sett á markað í fyrsta skipti frá viðkomandi veiðisvæði.

3. Eittraðir þörungar og þörungaeitur

3.1. Framleiðslusvæði

Þeir þættir sem hafa áhrif á vöxt og viðkomu eiturþörungum á framleiðslusvæðum eru:

1. Landfræðilegir þættir; Opin hafsvæði annars vegar strandsvæði / innanfjarða hins vegar.
2. Veðurfar; þ.e. hitastig og úrkoma, og fl.
3. Örverumengun og næringarefni,

Við Ísland fer fram ræktun á kræklingi á nokkrum stöðum. Veiðar á villtum tegundum (kúfiskel, beitukóng, ígulkeri og sæbjúga) fara fram á opnum hafsvæðum þar sem veiðileyfi eru gefin út af Fiskistofu fyrir stór hafsvæði.

3.1.1. Ræktunarsvæði kræklinga

Ræktunarsvæði kræklinga 2022 eru við Kiðey í Breiðafirði (í nágrenni Stykkishólms), við Drangnes í Steingrímsfirði og í Króksfirði í Reykhólahreppi. Endimörk svæðanna eru skilgreind og samþykkt af lögbærum yfirvöldum. Forsendur til ræktunar á skelfiski til markaðsetningar eru að gefið hafi verið út ræktunarleyfi og að heilnæmiskönnun hafi verið framkvæmd og að svæðið flokkuð í A, B og C, háð magni örvera (E.kólí) í skelinni. Svæðin eru opnuð til uppskeru ef beiðni þar að lútandi hefur borist, að undangenginni talningu á eitruðum svifþörungum og greiningu á þörungaeitri í kræklingi. Sýnin eru tekin á þeim stað þar sem uppskera er fyrirhuguð. Til eru gögn sem sýna fjölda eittraðra þörungna á þessum svæðum eða í nágrenni þeirra yfir sumarmánuðina frá árinu 2005 og veturna 2009-2019. Það eru því til gögn sem sýna hvernig þörungablóminn er samsettur á mismunandi árstímum á þessum svæðum. Vísað er í töflur á heimasíðu MAST [Niðurstöður vöktunar á eitruþörungum í sjó og þörungaeitri í skel](#)

3.1.2. veiðisvæði villtra tegunda: Ígulkers, sæbjúga, beitukóns og kúfskel

Fiskistofa gefur út veiðileyfi til veiða á sæbjúgum, ígulkerum, kúfskel og beitukóng. Svæði eru skilgreind í reglugerðum. Allar veiðar á ígulkerum í fiskveiðilandhelgi Íslands eru óheimilar nema að fengnu sérstöku leyfi Fiskistofu. Við upphaf vertíðar skal greina sýni til mælinga samkvæmt áhættumati útgerðaraðila, því það er hans ábyrgð að fylgjast heilbrigði ígulkerana og beitukóns (sjá kafla 3.5.3).

Skilgreind veiðisvæði sæbjúgna í reglugerð eru þrjú, úti fyrir sunnanverðum austfjörðum, í Faxaflóa og úti fyrir Aðalvík á Vestfjörðum. Veiðar á sæbjúgum eru heimilaðar utan skilgreindra veiðisvæða. Ekki er heimilt í einni og sömu veiðiferð að veiða innan skilgreinds veiðisvæðis og utan.

Leyfi til veiða á ígulkerum eru veitt árlega en þau eru nýtt yfir vetrarmánuði, sem minnkar þar með hættu á að eitruþörungur finnist í þeim.

Veiðar á beitukóng, ígulkerum og kúfskel eru háðar veiðileyfi en það er ekki gefin út kvóti. Beitukóngur er eingöngu veiddur í Breiðafirði fram til þessa, en heimilt er að veiða Beitukóng á svæðum sem ekki hafa verið flokkuð.

3.1.3. Áhættumat

Strandsvæði eru viðkvæmari fyrir umhverfispáttum en opin hafsvæði þar sem þættir eins og mengun, sem á uppruna sinn frá þéttbýli eða landbúnaði og úrkoma sem getur valdið útskolun af landi getur aukið þannig styrk næringarefna og steinefna. Meiri hætta er því á mengun á strandsvæðum og þá sérstaklega í þröngum fjörðum. Einnig má gera ráð fyrir meiri seltu- og hitasveiflum á strandsvæðum en á opnum hafsvæðum. Þessir þættir á strandsvæðum geta því aukið líkur á þörungablóma utan hefðbundins vaxtartíma svifþörunganna, það er síðsumars eða að hausti og því er meiri hætta á þörungablóma á hausti á strandsvæðum en á opnum hafsvæðum.

Í strandlengjukönnun skal skrá og kortleggja uppruna mengunar. Mengunaruppsprettur geta verið t.d frárennsli skolps frá þorpum eða þéttbýliskjörnum, iðnaður, landbúnaður og stóriðja. Ár og lækir geta borið mengun til sjávar og hafstraumar geta skipt verulegu máli í þessu sambandi. Einnig geta fuglager, svo og önnur dýr hugsanlega orsakað tímabundna saurmengun. Niðurstöður strandlengjukönnunar eru notaðar við skipulagningu á sýnatökum, lengd sýnatökutímabils til ákvörðunar um staðsetningu og fjölda sýnatökustöðva og greiningaþátta mengunarefna. Gert er ráð fyrir að heilnæmiskönnun annars vegar, sé gerð á gildistíma tilraunaleyfis og að það komi fram í skilyrðum tilraunaleyfis og hins vegar áður en sótt er um uppskeruheimild til veiða.

Rannsóknir og eftirlit með eiturþörungum hafa eingöngu verið stundaðar á strandsvæðum og því er þekking á opnum hafsvæðum m.t.t. eiturþörungum ákaflega takmörkuð. Stórir þörungaflekkir hafa sést á gervitunglamyndum við Vesturland og inni á Breiðafirði svo og úti fyrir Norðurlandi. Þessir þörungaflekkir innihéldu umtalsvert magn af eiturþörungum, sérstaklega Alexandrium ssp, sumarið 2009 í Breiðafirði og Eyjafirði. Frá 2017 til 2021 hefur DSP greinst í villtri skel sem safnað er í Hvalfirði nánast allt árið því hefur verið varað við skeljatínslu og uppskeru / veiðum þar.

Veiðar og uppskera þeirra tegunda sem hér um ræðir, fer fyrst og fremst fram á strandsvæðum fyrir utan sæbjúgu og eru því svæðin metin einsleit m.t.t til áhættu. Hætta á þörungablóma er sú sama á strandsvæðum, en flestar þær tegundir sem eru nýttar hér við land eru veiddar eða ræktaðar á strandsvæðum. Sæbjúgu eru dæmi um tegund sem er fyrst og fremst veidd á opnu hafsvæði.

Hafrannsóknarstofnunin hefur tekið saman upplýsingar um þörungagróður á hafsvæðum við Ísland en stofnunin fylgist árlega með frumframleiðsluþáttum í sjó umhverfis landið. M.a. liggur fyrir skýrslan „[Aukin þekking á heilnæmi íslenskrar bláskeljar – rannsóknir á sambandi eitraðra svifþörungum í sjó og uppsöfnun eiturs í bláskel](#)“ sem er AVS verkefni á vegum Fjarðarskeljar, Matís, Hafrannsóknarstofnunar og Skelræktar 2015-2017. Verknúmer: R-010-16.

Tafla 1. Yfirlit yfir framleiðslusvæði og nýtanlegar tegundir

Nafn	Framleiðslusvæði	Tegundir
Breiðafjörður	Kiðey, Króksfjörður	Kræklingur
Breiðafjörður		Ígulker Sæbjúgu Beitukóngur
Steingrímsjörður	Drangsnes	Kræklingur
Faxaflói	Faxaflói	Ígulker, sæbjúgu
Suðaustfirðir	Utan suðaust-fjarða	Sæbjúgu

3.2. Tegundir

Mat á áhættu vegna þörungaeiturs, örvera og mengunarefna í mismunandi tegundum skeldýra. Í töflu 2 er yfirlit yfir þær tegundir sem finnast við Ísland. Ekki eru allar tegundir nýttar.

Tafla 2. Tegundir - uppskerutímabil

Tegund	Latneskt heiti	Nýtingartímabil
Kræklingur	Mytilis edulis	Allt árið
Ígulker	Strongylocentrotus droebachiensis	Sept - mars
Beitukóngur	Buccinum undatum	Allt árið
Sæbjúgu	Cucumaria frondosa	Allt árið
Hörpudiskur	Chlamys islandica	Allt árið
Kúfskel	Arctica islandica	Allt árið, mest á veturna

3.2.1. Kræklingur

Samkvæmt heimildum (Marine Biotoxins, FAO food and nutrition paper 80, 2004) er kræklingur sú tegund sem safnar í sig hvað mestu af þörungaeitri. Kræklingurinn aflar fæðu eins og aðrar samlokutegundir með því sía sjó og halda eftir öllum ögnum af ákveðinni stærð. Tegundin vex hratt og getur orðið allt að 5 falt eitraðri en aðrar tegundir skelfisks á sama svæði. Kræklingur er fljótari að safna í sig þörungaeitri og fljótari að losna við það en aðrar tegundir. Hérlandis er kræklingur einkum ræktaður á línunum í efri lögum sjávar eða að jafnaði ofar en 10m, en á þessu dýpi er mest hættu á því að finna eitraða svifþörungum sem vaxa fyrst og fremst í yfirborði sjávar þar sem áhrif af sólarljósi gæti. (Þóráinsdóttir G, 1997) Veiðar á villtum krækling eru lítið stundaðar enn sem komið er, nema til áframhaldandi ræktunar, en veiðar á tegundinni eru frjálssar og því ekki háðar veiðileyfum frá Fiskistofu.

3.2.2. Hörpudiskur

Hörpudiskur telst til samloka og er fremur hægvaxta tegund sem lifir á hörðum botni á 15-80 m dýpi. Botnlægar tegundir safna síður í sig þörungaeitri en tegundir sem eru ræktaðar í efri lögum sjávar. (Marine Biotoxins, FAO food and nutrition paper 80, 2004), Helsta nýtingarsvæðið er í Breiðafirði. Engar veiðar voru stundaðar á hörpudiski 2003-2012, vegna hruns í stofninum. Minniháttar tilraunaveiðar hafa átt sér stað síðan 2012. Eingöngu samdráttarvöðvi hörpudisks er nýttur til matar. Þörungaeitur getur safnast fyrir í vöðvanum en mesta uppsöfnunin er í maga og þarmi.

3.2.3. Kúfiskel

Kúfiskel telst til samloka og er mjög algeng allt í kringum landið og lifir í sandbotni. Tegundin er mjög hægvaxta og getur náð mjög háum aldri. Veiði á kúfiskel til mannelis hófst hér við land á níunda áratugnum en hefur verið mjög mismunandi eftir árum vegna markaðsaðstæðna. Kúfiskel hefur lengi verið veidd til beitu og hófust veiðar á henni seint á nítjándu öldinni. Veiðar hafa verið mjög takmarkaðar undanfarin ár. Þar sem allur innmatur í kúfiskel er nýttur til mannelis geta komið upp tilvik um þörungaeitranir líkt og með aðrar skeljategundir. Tegundin er þó yfirleitt veidd á meira en 30 m dýpi sem dregur nokkuð úr hættunni á uppsöfnun þörungaeiturs.

3.2.4. Ígulker

Ólíkt samlokunum eru ígulker ekki sírarar, en þau lifa aðallega á botnþörungum og gætu því hugsanlega innbyrt eitraða svifþörungum með botngróðri. Heimildir eru fyrir því að tegund ígulkers sem lifir við Miðjarðarhaf geti safnað í sig þörungaeitri (Palytoxin) af völdum svifþörungum af ættkvíslinni *Ostreopsis* spp. Þessi svifþörungategund lifir í heitum sjó og vex eingöngu að sumarlagi og ættu því ekki að vera skilyrði til vaxtar á norðurslóðum. Ígulker eru eingöngu nýtt að vetrarlagi við Ísland og er uppsöfnun þörungaeiturs því mjög ólíkleg í ígulkerum.

3.2.5. Beitukóngur

Beitukóngur er rándýr og hrææta. Aðalfæðan eru burstaormar, smá krabbadýr, kræklingur og fleiri botndýr. Snigillinn sem er nokkuð staðbundinn en getur þó skriðið eftir botni og getur borað sig inn í skeljar krabba- og lindýra. Vegna fæðuöflunar beitukóngrs er hættu á uppsöfnun þörungaeiturs mun minni en hjá samlokum. Beitukóngurinn gæti þó tekið í sig þörungaeitur ef hann étur skel eða hræ sem er með þörungaeitur. Áhætta er því til staðar ef veiðar fara fram þegar eitraðir þörungar eru til staðar í sjónum í miklu magni og hafa valdið eitrun á þeim lífverum sem beitukóngur nýtir sér til fæðu.

3.2.6. Sæbjúga

Sú sæbjúgnategund sem nýtt er hérlendis er brimbútur (*Cucumaria frondosa*) sem er síari og lifir á botni. Dýrin eru nokkuð staðbundin þar sem þau skríða hægt. Við nýtingu til mannelis er aðeins skrápurinn nýttur og samanstendur hann aðallega af bindivef. Vinnslan fellst í reykingu, langri suðu og þurrkun. Þar sem veiðistaðir sæbjúgna eru fjarri strandsvæðum (lítil sem engin mengun), öll innfyli hreinsuð frá fyrir neyslu, þ.e. eingöngu skrápurinn er nýttur, er lítil hætta á þörungaeitri.

3.2.7. Ostrur

Árið 2013 voru fluttar inn smáostrur frá Norður-Spáni og settar þar í ræktun í búrum í Saltvík, Skjálfandaflóa. Fyrstu ostrurnar komu á markað sumarið 2018. 2018 synjaði Umhverfistofnun umsókn um innflutning smáostrum til ræktunar þar sem þær teljast framandi lífverur skv. lögum nr 60/2013. Þar með grundvelli fyrir áframhaldandi ræktun ekki til staðar hér við land. Áfram er þó fjallað um tegundina hér ef eitthvað skyldi breytast hvað varðar innflutning á smáostrum.

3.2.8. Áhættumat tegunda

Í töflu 3 má sjá mat MAST á hættu á uppsöfnun þörungaeiturs, mengunarefna og örvera í mismunandi tegundum skeldýra. Matið er byggt á eðli lífverunnar og aðferð við fæðuöflun. Einnig er horft til þess hluta lífverunnar sem er nýttur til mannelis.

Tafla 3. Áhættumat tegunda

Tegund	Þörungaeitur	Mengunarefni	Örverur
Kræklingur	H	H	H
Kúfskel	M	H (Cd)	M
Hörpudiskur	M	M	M
Ígulker	L	L	L
Beitukóngur	L	L	L
Ostrur	H	H	H
Sæbjúgu	L	L*	L*

H – Mikil áhætta, M – miðlungsáhætta, L- Lítil áhætta, Cd – kadmín, *Lítið þekkt

Samkvæmt 6 t.l. 61 gr í reglugerð EB/2019/627 er heimilt að nota vísitenging til að leggja mat á áhættu uppsöfnunar þörungaeiturs í öðrum tegundum á sama veiðisvæði. Kræklingur er næmastur fyrir mengun af þeim tegundum sem hér eru nýttar, því er það niðurstaða Matvælastofnunar að kræklingur skuli vera vísitenging til mælinga á þörungaeitri þar sem því verður við komið.

3.3. Eiturþörungur:

Tafla 4. Yfirlit yfir helstu þörungaeitur og tegundir svifþörungum sem mynda mismunandi þörungaeitur.

DSP Diarrhetic Shellfish Poisoning	PSP Paralytic Shellfish Posioning	ASP Amnesic Shellfish Poisoning	AZP Azaspiracid Shellfish Poisoning	YTX Yessotoxin Shellfish Poisoning
Dinophysis acuminata Dinophysis acuta Dinophysis norvegica Phalochroma rotundatum	Alexandrium tamarense Alexandrium minutum Alexandrium ostenfeldii	Pseudonitzschia Pseudodelicatissima ma Pseudonitzschia seriata Pseudonitzschia delicatissima	Azadinum spinosum*	Lingulodinium Polydrum** Gonyaulax Spinifera** Protoceriatum reticulatum**
Okadaic acid Dinophysistoxins 1,2,3 Pectenotoxins Yessotoxins	Saxitoxins (18 +) Gonyautoxin	Domoic acid	AZA-1 AZA-2 AZA-3	YTX 45 OH YTX Homo YTX, 45 OH homo YTX

*Hefur ekki greinst hér við land fram til þessa (ágúst 2022) .

** Hafa greinst en í mjög litlu magni

Tafla 5. Viðmiðunarmörk MAST fyrir eitraða þörungum (frumur/l af sjó).

Þörungaeitur	Tegundir svifþörungum	Viðmiðunarmörk
PSP	Alexandrium spp. • A. ostenfeldii • A. Tamarense • A.minutum	200 frumur / l samtals Mat Mat Mat
DSP	Dinophysis spp. • D. Nowegica • Phalcroma rotundata • D. acuta • D acuminata	500 frumur / l samtals Mat Mat Mat
ASP	Pseudo- nitzschia • P. Pseudodelicatissima • P.seriata • P. deilcatissima	100.000 frumur / l samtals Mat Mat Mat

Hætta er á skelfiskeitrun fari fjöldi eitraðra þörungum yfir viðmiðunarmörk og er þá varað við neyslu á skelfisk. Auka þarf tíðni greininga á þörungaeitri ef markaðssetja á skeldýr frá svæðum.

3.3.1. Vaxtartímabil eiturþörungum við Ísland

Fylgst var með með fjölda eiturþörungum yfir sumartímann á 4 svæðum við Ísland árin 2005-2020, fyrst Breiðafjörður, Eyjafjörður og Hvalfjörður en síðan bættist Steingrímsfjörður við en hætt var ræktun við Hrísey í Eyjafirði 2011 og féll þá eftirlitið niður í kjölfarið. Vöktun MAST náði einnig til vetrarmánaðanna frá haustinu 2009 í Eyjafirði til 2011. 2021 voru tekin sýni til greiningar á þörungum í sjó í Steingrímsfirði um vorið, í Króksfirði veturinn og hluta sumars og í Breiðafirði við Kiðey allt sumarið. 2022 hafa eingöngu verið tekin sýni af sjó í Breiðafirði við Kiðey.

Allar þessar skráningar eru geymdar í skjalakerfi MAST en yfirlit yfir skráningar frá 2011 eru aðgengilegar á heimasíðu MAST, [undir eftirlitsniðurstöðum, þörungaeitur í skelfiski.](#)

Niðurstöðurnar sýna að vaxtartímabil eiturþörungum er frá maí til september á öllum svæðum, og að tilvist og fjöldi einstakra tegunda á vaxtartímabilinu er breytilegur frá einu svæði til annars og á milli ára. Hvalfjörður hefur haft nokkra sérstöðu, en t.d. 2007 fundust Dinophysis þörungur fram í desember og frá maí 2016 hefur verið varað við kræklingatínslu vegna þess að þörungaeitur hefur greinist allt árið í villtri skel.

Við Kiðey í Breiðafirði og við Hellu í Steingrímsfirði hafa Dinophysis, Alexandrium og Pseudonitzschia þörungur skotið upp kolli flest sumur og haust en minna orðið vart við þessa þörungum í Króksfirði.

3.3.2. Áhættumat - Hætta á eiturþörungum á framleiðslusvæðum eftir tímabilum

Niðurstöður talninga á eitruðum svifþörungum fyrir 2009-2021 eru í meginráttum lýsandi og í samræmi við eldri niðurstöður frá 2005-2008 (Gunnarsson T., 2011). Niðurstöðurnar skráninga frá öllum þessum 5 svæðum sem fylgst hefur verið með, sýna að nánast ekki, eða lítið verður vart við eittraða þörungum á tímabilinu frá október til maí, öll árin. Einnig sýna talningar að á tímabilinu maí til og með september má alltaf búast við uppblómstrun eittraða þörungum. Út frá þessu má draga þá ályktun að frá maí-september sé mikil hætta á eitruðum þörungum og þar með skelfiskeitrun og því þurfi að taka sýni vikulega af sjó til greiningar á samsetningu þörungasvifs og jafnvel tvisvar í viku ef þörf þykir. Frá október til og með apríl er hættan lítil.

Tafla 6. Tíðni greininga á eitruðum þörungum í sjó

Tímabil	Áhætta	Tíðni sýnatöku
Maí - september	Mikil	Vikulega - 2x í viku ef þörf er á.
Oktober - apríl	Lítill	Mánaðarlega – 2x í mánuði ef þörf er á.

Samstarfssamningur er í gildi við Hafrannsóknastofnun og í honum kemur fram að skimað verði fyrir öllum þeim tegundum af eitruðum þörungum sem tiltekna eru í töflu 4.

3.4. Þörungaeitur

Tvær gerðir þörungaeiturs PSP og DSP hafa greinst í kræklingi hér við land, en ASP og AZP hafa aldrei greinst. Yessotoxins hafa ekki greinst fram að þessu hér við land.

Tafla 7. Yfirlit yfir þörungaeitur (efnafræðileg heiti) viðmiðunarmörk og greiningaraðferðir

Þörungaeitur	Viðmiðunarmörk	Greiningaraðferðir
DSP • Okadaic acid • Dinophysistoxins • Pectenotoxins (1 & 2)	<160 µg Okadaic acid equivalents /kg flesh	LC-MS/MS CEN 16204 (alkaline conditions)
AZP • Azaspiracid • Azaspiracid-2 • Azaspiracid-3	<160 µg azaspiracid equivalents /kg flesh	LC-MS/MS CEN 16204 (alkaline conditions)
PSP • Saxitoxins (18+) • Gonyautoxin	<800 µg PSP /kg flesh	HPLC-FLD AOAC 2005.06
ASP • Domoic acid	<20 mg Domoic Acid/ kg flesh in edible parts under restricted harvesting	Skimun LC-MS/MS CEN 16204 (alkaline conditions)
YTX • Yessotoxins	3,75 mg YTX equivalents/kg flesh	LC-MS/MS CEN 16204 (alkaline conditions)

3.4.1. Niðurstöður þörungaeitursgreininga í kræklingi

Niðurstöðurnar sýna að þörungaeitur þá einkum PSP og DSP greinist í kræklingi frá júní til ágúst og er það á þeim tímum sem eitraðir þörungar greinast í einhverju magni í sjónum á ræktunarstað kræklinga. Niðurstöður sýna enn fremur að DSP er það þörungaeitur sem í langflestum tilvikum veldur lokunum á ræktunarsvæðum við Ísland. Einnig sýna niðurstöður sterkt samhengi á milli þörungatalninga sjósýna og samsvarandi eiturefna í kræklingi.

Niðurstöður frá nokkrum svæðum benda sterklega til að hætta er á PSP þörungaeitri um leið og Alexandrium tegundir greinast í einhverju magni þ.e um 200 fr/l eða meira. Í rannsókn sem gerð var á PSP eitri í kræklingi úr Breiðafirði og Eyjafirði 2009 kemur í ljós að verulegur munur er á eiturmyndun Alexandrium þörungum milli þessara svæða (Burrell S., 2011).

Einnig sýna niðurstöður að Alexandrium hefur greinst snemma vors í litlum mæli t.d. í Breiðafirði 2010 en hann reyndist ekki vera eiturmyndandi.

3.4.2. Áhættumat

Tafla 9 sýnir hættu á uppsöfnun þörungaeiturs í mismunandi tegundum eftir árstímum. Matið er byggt á þeim greiningum á þörungaeitri sem hafa verið framkvæmdar 2005-2021 sjá kafla 3.4.1

Tafla 8. Hætta á uppsöfnun þörungaeiturs eftir tegundum og árstíðum:

Tegund	ASP		PSP		DSP		ATH
	Vetur	Sumar	Vetur	Sumar	Vetur	Sumar	
Kræklingur	L	L	L	H	L	H	Mikil áhætta á sumrin
Kúfskel	L	L	L	M	L	M	Áhætta á sumrin
Ígulker	L	L	L	L	L	L	Mjög lítil áhætta
Beitukóngur	L	L	L	L	L	L	Mjög lítil áhætta
Ostrur	L	L	L	H	L	H	Mikil áhætta á sumrin
Sæbjúga	L	L	L	L	L	L	Uppsöfnun þörungaeiturs ekki þekkt

H – mikil áhætta, M – meðal áhætta, L – lítil áhætta

3.5. Sýnatökuáætlun

Tíðni sýnatöku til greiningar á þörungaeitri og eitruðum þörungum á framleiðslusvæðum samloka, það er kræklinga, ostra og kúfskelja er byggð á fyrirliggjandi áhættumati sjá töflu 9 og samkvæmt kröfum í reglugerð EB/2019/627 V.Bálfur, tölulíð 3, 4 og 5. Við ákvörðun á tíðni sýnatöku annarra tegunda er fyrst og fremst horft til eðli lífveranna og veiðitímabíla.

3.5.1. Samlokur; Greining á þörungum, þörungaeitri og útgáfu uppskeruheimilda

Sjósýni til greiningar eiturþörungum á framleiðslusvæðum kræklinga og ostra, skal taka vikulega á sumrin (maí - sept) og mánaðarlega á veturna (okt- apríl). Á veiðisvæðum kúfskelja skal taka sjósýni mánaðarlega á sumrin. *Sjá töflu 9.*

Tafla 9. Tíðni vöktunar á eitruðum þörungum í sjó eftir árstíðum og tegundum.

Tegund / Árstími	Vetur	Sumar
Kræklingur	Mánaðarlega	Vikulega
Kúfskel	Mánaðarlega	Mánaðarlega

Sumar 1. maí - 30. september. **Vetur:** 1. Október- 30 apríl.

Ef eitruþörungar greinast í miklu magni er eðlilegt að auka tíðni í 2x í viku, sérstaklega á þetta við um Alexandrium þörungna vegna hættu á uppsöfnun á PSP eitri í skelfiski. Einnig skal svæðum lokað sé talið að aukin hætta sé á uppsöfnun PSP eiturs og jafnframt skal fara út í víðtækari sýnatöku sé þess kostur.

Við ákvörðun á hvaða tegundir þörungaeiturs ber að greina er horft til samsetningu þörungablómans sumar og vetur (sjá töflu 10). Þetta er samkvæmt 3.t.l. í V. Bálki í reglugerð EB/2019/627 (ísl. nr 483/2020). Þar er tilgreint að „Sýnatökuáætlanir, sem miðast við að hafa eftirlit með því hvort eitruð svif finnst á framleiðslu- og umlagningarsvæðum og hvort lífeitur finnst í lifandi samlokum, skulu einkum taka mið af hugsanlegum breytingum á tilvist svifs sem inniheldur sjávarlífeitur“.

Uppskeruheimild verður alltaf grundvölluð á eiturgreiningu í skel en ekki á sjósýni einu saman. Sjósýni getur hins vegar leitt til að uppskeruheimild verði felld úr gildi. Framleiðandi ákveður hvenær hann vill uppskera og þá tekur hann skelsýni. Eftir sem áður þarf að sækja um á vef Matvælastofnunar til að opna svæði, ef 3 mánuðir eða meira líða án heimildar.

Framleiðandinn ákveður hvenær hann tekur skelsýni, en hann verður þá einnig að taka sjósýni. Gildistími fyrir uppskeruheimild skal aldrei vera lengri en 12 dagar á sumrin og 30 dagar yfir vetrartíma, sama hvar greiningin fer fram. Gildistíminn gildir frá sýnatökudegi og 12/30 daga frá viðkomandi sýnatökudegi.

Framleiðandinn má uppskera skel innan gildandi tímamarka uppskeruheimildar en hann má halda þeim lifandi í nokkurn tíma á forsvaranlegan hátt, sem er t.d. í kæli í 2 – 3 daga. Ekki má geyma lifandi skel í rennandi sjó frá svæðum þar sem ekki er uppskeruheimild í gildi. Framleiðandinn getur því markaðssett vöru þegar engin heimild er gild í fáeina daga, ef það er gert á forsvaranlegan hátt og hægt er að tengja uppskeruna við skráningargögn frá tímabilum þar sem heimild var gild. Það verður einnig að vera hægt að rekja afurðir í umbúðum til skráningarskjals og ræktunarsvæðis eða veiðisvæðis.

Ef magn eiturs í skel reynist yfir 50% leyfilegs hámarks magns á veturna, verður uppskeruheimild aðeins gefin út til tveggja vikna í senn. Ef framleiðandi vill lengja uppskeruheimildina verður hann að taka nýtt skelsýni til ransókna og það þarf að vera innan marka og gilda þá þessar sömu reglur.

Tafla 10. Tíðni þörungaeitursgreininga eftir tegundum og uppskerutíma fer eftir árstíð og hvenær viðkomandi vill hefja uppskeru. Eftirfarandi gildir eftir að fyrsta uppskeruheimild hefur verið gefin út.

Tegund	DSP* <i>Lipophilic toxins</i>		PSP**		ASP***	
	Vetur	Sumar	Vetur	Sumar	Vetur	Sumar
Kræklingur	<i>U.þ.b</i> <i>Mánaðarlega</i>	<i>U.þ.b.</i> <i>Hálfsmánaðar- lega.</i>	<i>Háð tilvist eiturþörung</i>	<i>U.þ.b.</i> <i>Hálfsmánaðar- lega</i>	<i>Skimun</i>	<i>Skimun</i>
Kúfskel	<i>U.þ.b. á</i> <i>3 mánaða</i> <i>fresti</i>	<i>U.þ.b</i> <i>Mánaðarlega</i>	<i>Háð tilvist eiturþörung</i>	<i>U.þ.b.</i> <i>Mánaðarlega</i>	<i>Skimun</i>	<i>Skimun</i>

Sumar: 1. maí – 30. september, **Vetur:** 1. Október- 30 apríl.

* **DSP** er greint reglulega í samlokum (krækling, kúfskel) skv. þeirri tíðni sem hér er gefin upp. DSP er safnheiti yfir fituleysanleg eitur (Lipophylic toxins) ss: ókadínsýru (OA), dínófýsistoxín (DA), pektentoxín (PTX), jessótoxin (YTX), og asaspírasíð (AZA). Sýni eru rannsökuð með greiningaraðferðinni „LC-MS/MS CEN 16204“ (alkaline conditions).

****PSP**. Ef fjöldi Alexandrium fruma/l sjó er undir 40 í byrjun sumars er ekki ástæða til greininga á PSP, en um leið og aukning umfram 40 sést á fjölda Alexandrium þá þarf að taka sýni til greiningar á PSP skv. þeirri tíðni sem hér er gefin upp. Greint með AOAC.OMA.2005.06 (HPLC-FLD) Ekki er ástæða til að greina PSP yfir veturinn þar sem Alexandrium þörungur er fyrst og fremst að finna yfir sumarið

*** **ASP** Við greiningu á DSP er skimað hvort ASP sé til staðar í sýni. Ef niðurstaða þeirrar greiningar gefur tilefni til skal frekari greining framkvæmd. ASP hefur ennþá ekki greinst í skeldýrum hér við land.

Tafla 11. Tíðni þörungaeitursgreininga

Tegund eiturs	Tíðni greininga Vetur; okt- apríl	Tíðni geininga Sumar; maí- sept -	Aðferð
DSP***	1 x í mánuði	1 x pr 2 vikur	LC-MS/MS CEN 16204 (alkaline conditions)
PSP*	Ef Alexandrium finnst*	1 x pr 2 vikur	AOAC.OMA.2005.06 (HPLC-FLD)
ASP**		1 x pr 2 vikur	

* Alexandrium hefur ekki greinst á veturna og því ekki ástæða til að greina PSP reglulega yfir vetrarmánuðina. Ef vart verður við Alexandrium í fjölda nálægt viðmiðunarmörkum (tafla 5) skulu sýni tekin til greiningar á PSP á veturna. Ef fjöldi Alexandrium fruma/l sjó er undir 40 í byrjun sumars er ekki ástæða til greininga á PSP, en um leið og aukning umfram 40 sést á fjölda Alexandrium þá þarf að taka sýni til greiningar á PSP skv. þeirri tíðni sem hér er gefin upp

**Skimað er fyrir ASP samhliða DSP greiningum. Pseudo-nitzschia þörungar hafa fram að þessu ekki verið eitumyndandi hér við land. Ef ASP greinist með skimun eru sýnin greind með tilvísunaraðferð sbr. viðauka V í reglugerð EB/2019/627.

*** Með LC-MS/MS CEN 16204 (alkaline conditions) greiningaraðferð er einnig skimað eftir YTX, PTX, AZP.

Ef regluleg sýnataka hefur ekki farið fram á sjó (til greiningar á þörungum) og samlokum (til greiningar á eitri) í 1 mánuð skal metið hvaða tegundir þörungaeiturs er þörf á að greina. Við matið er horft til árstíðar þ.e líkur á þörungagróðri og tegundar.

Greinist eiturbörungar í magni nálægt og yfir viðmiðunarmörkum sbr töflu 5 skal auka tíðni sýnatöku samstundis og loka svæðum þar til niðurstöður úr eiturefnaþælingu í skel liggja fyrir.

3.5.2. Aðrar tegundir

Tegundir eins og ígulker og beitukóngur eru ekki síarar og safna því ekki upp eiturbörungum eins og samlokur (bivalves molluscs). Einnig eru þær veiddar hér við land á þeim tíma árs þegar hætta á tilvist eiturbörunga er mjög lítil. Lítil hætta er á því að þessar tegundir innhaldi þörungaeitur.

Heimilt er að veiða hörpuðisk, beitukóng, sæbjúgu og ígulker utan svæða sem hafa verið könnuð m.t.t. heilnæmis og flokkuð. Aðilar, sem veiða þessar tegundir, utan flokkaðra svæða ber að sýna fram á, með greiningum og áhættumati, að viðeigandi heilbrigðiskröfur séu uppfylltar.

Heilbrigðiskröfur

Hámarksgildi varðandi þörungaeitur

- PSP: 800 µg/kg
- DSP: 160 µg/kg
- ASP: 20 mg/kg
- YXT: 3,75 mg/kg.
- AZA: 160 µg/kg

Viðmið varðandi örverur

- Lifandi samlokur og lifandi skrápdyr, möttuldýr og sniglar : Salmonella má ekki greinast í 25 g af sýni.
- Lifandi samlokur og lifandi skrápdyr, möttuldýr og sniglar: E.coli < 230 mpn /100 g af holdi og skelvökva.

Hámarksgildi þungmálmar

- Blý (Pb) 1,5 mg/kg
- Kadmín (Cd) 1,0 mg/kg
- Kvikasiflur (Hg) 0,5 mg/kg

Aðrar kröfur

Ekki má setja þessar afurðir á markað til manneðis nema í gegnum fiskmarkað, afgreiðslustöð eða vinnslustöð sem millilið.

Koma skal í veg fyrir mengun við veiðar, geymslu og meðhöndlun. Geyma skal lifandi afurðir við viðeigandi hitastig (ekki of hátt og ekki of lágt) sem hentar tegundinni.

Sýnatökur og greiningar

Framleiðendur villtra tegunda þurfa að setja fram sýnatökuáætlun þar sem rök fyrir skilgreindri tíðni sýnatöku til greiningar á þörungaeitri, örverum og þungmálmum eru byggð á hættugreiningu á hráefni. Greiningar á þörungaeitri, örverum og þungmálmum er þá sannprófun á hættugreiningu. Að lágmarki þarf að taka sýni einu sinni á ári af afurð til greiningar á þörungaeitri, E.coli og salmonellu. Greining á þungmálmum skal fara fram að lágmarki á 4 ára fresti. Þetta gildir ef magn þungmálma er undir 50% af hámarksgildum.

Mælt er með að sýni til greiningar á þörungaeitri sé tekið á þeim tíma þar sem mest hættu er á eitruðum þörungum þ.e. á sumrin. Ef veiðar fara ekki fram á sumrin þá í lok sumars eða byrjun hausts. Þegar sýni hafa verið tekin í nokkur ár er hægt að endurmeta tíðni sýnatöku ef niðurstöður gefa tilefni til.

Sýni til greiningar á þörungaeitri skal senda á rannsóknastofu sem Matvælastofnun tilnefni í samvinnu við Matís sem er NRL fyrir þörungaeitur. Matís sér um undirbúning og sendingu sýna.

Sýni til greiningar á Salmonellu og E.coli skal senda til Matís eða Sýni.

Sýni til greiningar á þungmálmum er hægt að senda til Matís eða annarra rannsóknastofa á EES svæðinu.

Matvælastofnun hefur gefið út sýnatökuleiðbeiningar og sýnatökuseðla. Mikilvægt er að fylgja réttum leiðbeiningum. Þær má finna í [gæðahandbók Matvælastofnunar](#).

Ef þörungaeitur greinist yfir mörkum í tegund sem er veidd á sama veiðisvæði og ígulker og beitukóngur verða framleiðendur að sýna fram á að lokaafurð uppfylli kröfur kafla V í VII. þætti viðauka III í reglugerð EB/853/2004 (103/2010).

4. Áhættumat vegna þungmálma og þrávirkra lífrænna efna

Við ákvörðun á tíðni sýnatöku til greininga á þungmálmum og þrávirkum lífrænum efnum í skeldýrum á ræktunarsvæðum þeirra eru niðurstöður úr heilnæmiskönnun fyrir svæðið, vöktun Matís á óæskilegum efnum í íslensku sjávarfangi og eðli lífveranna lögð til grundvallar (sjá töflu 3). Hér er fyrst og fremst horft til greininga á þeim efnum sem viðmiðunarmörk eru tilgreind fyrir í reglugerð nr. 265/2010 sjá töflu 12.

Tafla 12. Hámarksgildi aðskotaefna fyrir samlokur sbr. reglug. nr 265/2010 (EB nr. 1881/2006).

Efnaflokkar	Aðskotaefni	Hámarksgildi	
Þungmálmur	Pb	1,5	mg/kg
Þungmálmur	Cd	1	mg/kg
Þungmálmur	Hg	0,5	mg/kg
Summa Díoxína	WHO-PCDD/F-TEQ	3,5	pg/g
Summa díoxína og díoxínlíkra PCB efna	PCDD/F-PCB-TEQ	6,5	pg/g
PCB efni (ICES-6)	PCB28, PCB52, PCB101, PCB138, PCB153, PCB180	75	ng/g

4.1.1. Þungmálar Cd, Hg, Pb

Þeir sem hyggjast stunda veiðar á hörpudisk, beitukóng, sæbjúgum og ígulkerum þurfa ekki að framkvæma heilnæmiskönnun skv. reglugerð 853/2004 viðauka III, VII þætti og má því veiða utan flokkaðra svæða. Hins vegar þurfa þeir sem veiða áður nefndar tegundir utan flokkaðra svæða að sýna fram á, með greiningum og áhættumati, að viðeigandi heilbrigðiskröfur séu uppfylltar.

Lagalegar forsendur heilnæmiskönnunar er að finna í 8. gr. laga nr. 90/2011 um skeldýrarækt og í V.Bálki í 52.gr. og 1.kafli reglugerðar EB 2019/627. Rannsóknir sbr. skýrslur Matís [Undesirable substances in seafood products – results from the Icelandic marine monitoring activities](#) sýna að magn þungmálma í ætum hluta íslensks sjávarfangs er langt undir þeim viðmiðunarmörkum sem sett hafa verið. Hins vegar hafa mælingar MAST í skelfiski á strandsvæðum sýnt að Cd getur verið um og yfir viðmiðunarmörkum á einstaka svæðum.

Við ákvörðun á tíðni sýnatöku til greininga á þungmálum vegna eftirlits með ræktunarsvæðum er horft til ofangreindra niðurstaðna og niðurstaðna mælinga á þungmálmum Pb, Cd og Hg í sýnum sem tekin voru frá ræktunarsvæði í tengslum við heilnæmiskönnun. Hlutfallslegur styrkur miðað leyfileg hámarksgildi ræður tíðni fyrir opinbera sýnatöku MAST og er til leiðbeiningar við mat á sýnatökuáætlunum framleiðenda.

Tafla 13. Tíðni sýnatöku til greiningar á þungmálmum (Cd, Pb og Hg)

Magn þungmálma sem hlutfall af viðmiðunarmörkum	Áhætta	Tíðni
80%	H	Árlega
50-80 %	M	Á tveggja ára fresti
< 50%	L	Á 4 ára fresti

4.1.2. Díoxín og díoxín-lík PCB efni

Ekki er gert ráð fyrir sérstökum greiningum á díoxínum og díoxín-líkum PCB efnum, en vísað er til árlegrar vöktunar Matís á þessum efnum í sjávarfangi „*Undesirable substances in seafood products – results from the Icelandic marine monitoring activities*“ Þar kemur fram að magn þessara efni í íslensku sjávarfangi er langt undir þeim viðmiðunarmörkum sem ESB hefur sett. Magn þessara efna er í ætilegum hluta fiska u.þ.b. 1/10 af þeim mörkum sem ESB hefur sett. Út frá því má draga þá ályktun að hætta á mengun vegna díoxína og díoxín-líkra PCB efna í hafinu umhverfis Íslands sé mjög lítil. Hins vegar skulu þessi efni rannsökuð ef ástæða þykir til vegna hugsanlegrar staðbundinnar mengunar. Til að staðfesta þessa ályktun eru sýni tekin af einu ræktunarsvæði kræklinga á fimm ára fresti, sjá töflu 15.

Forsenda; Styrkur díoxína og díoxín-líkra PCB efna er rétt ofan greiningarmarka í kræklingi samkvæmt ofangreindum skýrslum, en neðan greiningarmarka í hörpudiski og kúfiskel. Samkvæmt þessu getur kræklingur talist „vísitengund“ þ.e. sú tegund sem er næmst og ættu niðurstöður úr krækling að geta gilt fyrir botnlægar tegundir eins og ígulker og beitukóng, sjá töflu 15

Reglulega eru tekin sýni af kræklingi sem geymdur er í búrum í Hvalfirði. Tilgangurinn er að vakta hvort stóriðja við Grundartanga valdi mengun á umhverfinu. Verkefnið er unnið af Matís, Háskóla Íslands og Rannsóknasetri Háskóla Íslands á Suðurnesjum fyrir Norðurál hf og Elkem Ísland ehf.

Eftirfarandi kemur fram í [skýrslu rannsóknarinnar](#) *: „Í þeim tilvikum þar sem til eru hámarksgildi fyrir ólífræn snefilefni í matvælum (Cd, Hg, Pb) var styrkur þeirra í kræklingi eftir tvo mánuði í sjó nálægt iðjuverunum ávallt langt undir hámarksgildunum fyrir matvæli. Aðeins greindust 3 PAH efni yfir magngreiningarmörkum í kræklingi, þau sömu og 2013: pyrene, phenanthrene og fluoranthene“.

*[Könnun á ólífrænum snefilefnum og fjölhringja kolvatnsefnum \(PAH\) í kræklingi og seti við Grundartanga, Hvalfirði, 2016 / Evaluation of inorganic trace elements and aromatic hydrocarbons \(PAHs\) in blue mussel \(*Mytilus edulis*\) and sediment at Grundartangi, Hvalfjörður, 2016](#)

4.1.3. Bendi (marker) PCB

Magn bendi-PCB er einnig mælt reglulega í [vöktunaráætlun Matís](#). Niðurstöður sýna að summa magn PCB efna er undir þeim viðmiðunarmörkum sem Þjóðverjar, Svíar og Hollendingar hafa sett um einstök PCB efni (40 µg/kg-120 µg/kg). Þar sem þessar niðurstöður sýna að mengun af völdum bendi-PCB er mjög lítil er ekki ástæða til að mæla þau í lifandi skelfisk eða skelfisksafurðum. ESB hefur ekki sett viðmiðunargildi vegna þessara efna.

5. Áhættumat vegna örvera í lifandi afurðum.

Við ákvörðun á tíðni sýnatöku til greininga á örverum í skeldýrum á ræktunarsvæðum þeirra eru niðurstöður úr heilnæmiskönnun fyrir svæðið lögð til grundvallar. Þannig að magn örvera í skel á framleiðslusvæðum ræður tíðni greininga í reglubundnu eftirlit með svæðunum. Sjá töflu 14. Niðurstaða áhættumats gildir þó eingöngu fyrir lifandi afurðir.

5.1.1. *E. coli*

Viðmiðunarmörk: Skv. reglugerð: 135/2010 og 104(2010)

- *E.coli* <230MPN/g, (MAST – flokkun svæða)



Salmonella neikvæð. sbr reglugerð nr. 135/2010 (eingöngu greint í afurðum).

Tafla 14. Tíðni* sýnatöku til greininga á E. coli.

Fjöldi E. coli sem hlutfall af Viðmiðunarmörkum %	Áhætta	Tíðni
80%	H	MAST–Annan hvern mánuð Framl./Afgreiðslustöð. - vikulega
>50 - 80 %	M	MAST – 3 x á ári Framl./ Afgreiðslustöð . -4 x á ári
< 50%	L	MAST – 1 x á ári Framl./ Afgreiðslustöð -2 x á ári

*Tíðni sýnatöku getur tekið tillit til óreglulegra uppskerutímabila.

5.1.2. Salmonella

Gert er ráð fyrir að með aukinni saurmengun aukist líkurnar á að Salmonella sé til staðar og því þurfi að greina Salmonellu oftár með auknum fjölda E. coli gerla á ræktunarsvæði.

Salmonella hefur ekki greinst í lifandi skelfiski hér við land. Sýni til greiningar á Salmonellu eru tekin þegar sýnataka vegna flokkunar veiðisvæðis hefst. Ef niðurstöður Salmonellu greiningu hafa verið neikvæðar og meðaltalsgildi E. coli 115 eða lægra skal taka sýni til greiningar á Salmonellu 1 x á ári. Ef meðaltalsgildi er 115 -180 skal taka sýni 2 x ári. Ef meðaltalsgildi er 180 eða hærra skal taka sýni 4 x á ári. Ef Salmonella greinist í skel úr sjó skal endurskoða þessa tíðni.

6. Samantekt

Tíðni mælinga á þörungaeitri, örverum, þungmálmum og öðrum mengunarefnum er byggð á áhættumati. Magn örvera og mengunarvalda í sjó á ræktunarsvæðum og magn eitraðra þörungna í sjó er lagt til grundavallar þegar ákvörðun um tíðni mælinga á örverum, þungmálmum, öðrum aðskotaefnum og þörungaeitri er tekin. Lifandi samlokur endurspeglar aðstæður vel á ræktun og veiðistað þar sem þær sía sjó til fæðuöflunar og mengunarefni, þörungaeitur og örverur safnast upp í holdi þeirra séu þessi efni til staðar í sjónum. Í töflu 15 er samantekt á tíðni greininga á hinum ýmsu hættum sem sem tengjast skeldýrum.

Rýni niðurstaðan fór fram í ágúst 2022. Í ljósi takmarkaðs umfangs ræktunar / veiða á lifandi samlokum, niðurstaðna mælinga síðastliðin ár og takmarkaðra gagna er ekki ástæða til breytinga á áhættumati þessu sem fyrst var gefið út 2012 og þar með tíðni greininga.

Þar sem hámarksgildi fyrir Bensópýren og summu PAH efni gilda eingöngu fyrir reyktar samlokur voru þau tekin út úr skjalinu.

Tafla 15. Yfirlit yfir tíðni greininga.

Áhætta	Tíðni greininga
Eitraðir þörungar	1 x í viku á ræktunarsvæðum samloka maí til september 1 x í mánuði á ræktunarsvæðum samloka, október til loka apríl.
DSP	U.þ.b. á 2ja vikna fresti maí – sept , 1 x í mánuði okt – apríl: kræklingur, ostrur 1 x í mánuði maí – september , þriðja hvern mánuð október – apríl: kúfiskur
ASP	Skimun samfara DSP greiningu
PSP	U.þ.b. á 2ja vikna fresti maí – sept á uppskerutíma; kræklingur, ostrur 1x í mán maí – september: kúfiskur Okt – út apríl, greint þegar Alexandrium fer yfir viðmiðunarmörk
Pb	Fjórða hvert ár*
Hg	Fjórða hvert ár*
Cd	Fjórða hvert ár*
Díoxin og díoxin lík PCB	Fimmta hvert ár af einu svæði, Sýni tekið ef grunur er á mengun völdum díoxina
E. coli	Sjá töflu 15
Salmonella	Sjá töflu 15

*Tíðnin sem gefin er upp hér miðast við að magn þungmálma sé lágt, sjá töflu 13.

Heimildir:

Ástand sjávar 2016, Reykjavík júní 2018. Sólveig R. Ólafsdóttir, Héðinn Valdimarsson, Maria Dolores Perez-Hernandez, Kristinn Guðmundsson, Ástþór Gíslason, Hildur Pétursdóttir, Hafsteinn G. Guðfinnson, Kristín J. Valsdóttir, Agnes Eydal og Karl Gunnarsson.

Guðrún G. Þórarinsdóttir og Þórunn Þórðardóttir, 1997, Náttúrufræðingurinn 67 (2) Vágestir í plöntusvifinu.

Marine Biotoxins, FAO food and nutrition paper 80, 2004

Urban Tillmann, Malte Elbrächter, Bernd Krock, Uwe John, Allan Cembella, 2009, *Azadinium spinosum* gen. et sp. nov. (Dinophyceae) identified as a primary producer of azaspiracid toxins

Report of the Joint FAO/IOC/WHO ad hoc Expert Consultation on Biotoxins in Bivalve Molluscs, 2004

Risk-Based Finfish Health Surveillance Scheme; Counsult Part II of Annex IV of Directive 2006/88EC for the full list of susceptible species.

Hrönn J, et al, 2009, Mengunarvöktun í lífríki sjávar við Ísland 2007-2008.

Burrell S., Gunnarsson, T., Gunnarsson K., Clarke D., and Turner A. (2011). First report of PSP toxins in Blue Mussels (*M. edulis*) from Breidafjörður and Eyjafjörður, Iceland. in print .

Þór, Gunnarsson Agnes Eydal, Hafsteinn Guðfinnsson, Karl Gunnarsson, Kristinn Guðmundsson og Dóra Gunnarsdóttir. (2011). Samband eiturböruna og uppsöfnunar þörungaeiturs í kræklingi á þrem svæðum við Ísland. AVS- Skýrsla 2011.